

Christian Ohm Albert Hein

Disputatio De Nuptiis

Rostochii: Pedanus, 1620

<http://purl.uni-rostock.de/rosdok/ppn730873501>

Druck Freier  Zugang



part.
Chr. Ohm (M.G.A.F. Klein)
R. U. in 1620. /b

DISPUTATIO
DE
NUPTIIS

Quam
DEO ADJUVANTE
Alphissimo 7ctorum ordine approbante
In inclyta Varniana

PRÆSIDE
CLARISSIMO ET CONSULTISSIMO VIRO
DN. CHRISTIANO D. S. M.
J. U. D. celeberrimo,

ALBERTUS A. F. HEIN,

Publice in Auditorio majori
EXAMINANDAM PROPONIT
ad diem 12. Augusti



ROSTOCHII
Typis JOACHIMI PEDANI,
ANNO M. DC. XX. *1620*

DISPUTATIO
DE
MURPITIS

DEO ADIUVANTE
Ab Ignace Pistorius ordinis approbatus
In indicis Vindobonensis
Parsiana

Consilio et Consensu Viri
DOCT. CHRISTIANO D. D.
J. U. D. celeberrimo,

ALBERTUS A. F. HEIM,
Publice in Auditorio majore
SAMUEL ANDAM PROPONIT
in diebus 12. Augusti



ROSTOCKI
Typis JOSEPHINI FEDIANI
anno M. DC. LXXI.



DE NUPTIIS.

THESIS PRIMA.



COEUNE.

Nuptia a) sunt conjunctio b) maris c) & foeminae, consortium d) omnis vitae e) divini f) & humani juris communicatio; easq; inter se contrahunt soli cives Romani qui secundum legum praecipua

a) ab obnubendo sic dicta olim enim in domum mariti adducenda materone in symbolum pudoris & subjectionis certo velaminis genere obnubebantur, velare enim incedere cogebantur. *Isidor. gloss. ad pr. Instir. de patria potest. v. 1. senb. in Inst. in pr. de nupt. n. 1.*

b) Conjunctionem hic non tantum corporum intelligimus sed voluntatem & animorum. *l. nuptias ff. de R. 1. gloss. ad d. princ. Inst. de pat. potest. Borch. ad pr. de nupt. in Instir. v. 1. senb. in Instir. de patria pot. numer. 2.*

c) dum dicimus maris & foeminae *πυλογομια* excludimus quae plurium est, quaeq; non immerito e Repub. Christiana a sacratissimis Imperatoribus exulare justa est. *Forst disp. 3. quasi. 9.* d) *Etsi haec vocula consortium ut notat gloss. ad pr. de patria potest. in Inst. in voce nuptia, nonnunquam pro servili conjunctione sumatur, ut l. fin. C. de servis fugie. tamen hic tantum significat participationem omnium fortuna quod ejusdem fortuna & sortis consortes esse debeant.*

e) quod vero dicitur consortium omnis vitae per id intelligimus quod dicit Imperator Individuam vitae consuetudinem. *Etsi enim divortia olim fuerunt concessa, tamen ut notat gloss. ad d. pr. Inst. de patria potestate, debent matrimonia eo affectu eaque contrahi intentione ut commune utriusq; votum sit perpetuo cohabitare, l. 1. ff. de iure dotium. Conn. lib. 8. comment.*

f) divini & humani iuris communicatio quid sit explicatur ab Imperatore Gordiano in l. adversus 4. C. de crim. expilatae sed, dum dicit uxorem esse sociam rei humana & divina domus quod

gloss tum remissive in d. l. adversus tum in l. i. ff. de ritu nuptiarum ut & in d. princ. Inst. de patria potestate rectissime sic explicat, quod debeant esse eorundem sacrorū (ut apud gentiles) vel ejusdē sectæ seu religionis. Non enim fidelis cū infideli debet contrahere matrimonium, contractum tamen non dissolvendū sed debent cohabitare, textus est expressus 1. Cor. 7. v. 10. 11. & 12. quamvis dissentiant Canonistæ. Forst. disput. 3. quæst. 15. Per humani juris communicationem intelligit Ictus, quod forum mariti forciatur, l. 19. ff. de iurid. & quod mariti nobilitate splendescat, l. femina 8. ff. de senator: & ponit in his verbis glossa differentiam inter concubinatum & matrimonium.

I I.

Hæc vero legum præcepta requirunt ut contrahens sit matrimonij, a) contrahendi capax b) nec vel natura vel lege c) à nuptijs arceatur.

a.) matrimonij incapax est per rerum naturam Impubres & Castratus, hi enim generare non possunt. Spadones tamen recte matrimonium contrahunt, ut qui generare possunt l. 6. in fin. l. 7. l. 38. § 7. ff. de edil. edict. Repudiari tamen potest qui per biennium continuum ob naturalem imbecillitatem coire non valuit l. in causis 10. C. de Repud. quod tamen biennium ad triennium extretusum Novell. 22. c. 6. quod & iure Canonico verum est, c. 7. 33. quæst. 1. Dissent. hoc loco Pacius disput. 2. th. 3. ubi putat impotentiam coeundi impedire l. Canonico matrimonium contrahendum & contractū non cōsummatum dirimere. b.) matrimonij cōtrahendi incapax est per rerum naturam Furiosus quia natura contrahere non potest non enim potest consentire, contractum tamen furor superveniens non dissolvit l. oratione 16. Sult. ff. de Ritu nupt. l. 8. ff. de his qui sui vel alien. iur. quod tamen non in eo obtinet qui dilucida intervalla habet. Is enim & iudex esse potest. l. 39. in pr. ff. de iudicij. c.) Lege prohibentur presbyteri, diaconi subdiaconi & omnes clerici, exceptis tamen cantoribus & lectoribus, hi enim possunt ducere nisi prius monasticam vitam fuerint amplexi, Nov. 5. c. 8. Non tamen lectores ad secundas; nisi ob irrecusabilem necessitatem; nuptias venient, & tunc nunquam ad altiorem accedent gradum, quod si altiorem nihilominus affectarint omnino sacro ministerio cadent, ad tertias vero venient nequaquam, Nov. 6. c. 5. Tum etiam monachi licet nec dum sint in sacro

in sacro ordine constituti prohibentur d. novell. 5. c. 8. Possunt tamen & Monachi ex dispensatione. Pape contrahere matrimonium, quod tamen Papa non nisi de gravissima causa concedet Panorm. in c. cum olim ext. de cler. conjugatis numer. 5.

III.

Tum etiam requiritur ut contrahens sit, sui juris, sive paterfamilias aut si filiusfamilias a) sit consensum b) eorum habeat c) quorum in potestate d) est, adeo quidem ut iustus eorum præcedere debeat.

a.) si filiusfamilias, non ergo si filius tantum sive emancipatus ù enim emancipatio sui juris effectus l. 25. ff. b. 1. At qui eum tamen stringit adhuc ratio naturalis? Ea vero an honestatis sit an necessitatis controversatur: putem necessitatis esse & iure naturali parentum consensum de necessitate requiri, Henon. disp. 2. quæst. 3. Först. disp. 2. quæst. 19. Dissent. Contris 1. subse. lect. 4. Non tamen idem quod in filio emancipato in filia quoque emancipata obtinet sed aliud receptum in hac enim si minor sit 25 annis non tantum patris consensus sed si ù defunctus sit etiam matris & propinquorum consiliam requiritur, b.) sive tacitum sive expressum l. 7. § 1. ff. de sponsal. l. si ut proponi 5. C. de Nuptijs. Si enim pater scivit nec contradixit consensisse videtur, paria enim sunt non contradicere & consentire in eo qui contradicendo impedimentum creare potest, Wesenb. in Inst. hic. n. 4. c.) quid v. si haberi non possit puta ob absentiam? tum si quidem norint ubi pater agat ejus redditum aut consensum literis testatum præstolentur, hñ ignorant ubi terrarum agat & superstes sit nec ne triennium expectent, quo elapso si nec dum de patre constet licet ipsis matrimonium contrahere, l. 10. ff. h. t. quin, & ante triennium ducere uxorem vel nubere possunt dummodo illi persone jungantur quam certum sit patrem non repudiaturum, l. 11. ff. b. t. Et hic parentum consensus etiam de iure Canonico est necessarius, textus sunt expressi c. si verum 31. q. 2. c. aliter c. nostrates can. qualis 30. q. 5. c. non omnis § paterno, can. honorantur c. hoc sanctum § 1. 32. quæst. 2. c. vidue si priusquam 27. quæst. 1. Dissent. hoc loco Canonistæ ut tradit Coras. 1. miscell. c. 17. n. 3. 4. 5. 6. d.) aut recusus est, nam in nuptijs nepotis non tantum avi sed & parentis consensus requiritur, neptis vero si nubat voluntas & auctoritas

avi sufficit l. oratione §. 1. ff. h. t. An vero tutorum consensus requiritur ?
Non puto 1. enim quamdiu sub tutela sunt nubere non possunt, 2. nominatius
fit mentio consensus non tantum quorum in potestate sunt sed parentum quorum
in potestate sunt adeo ut etiam hæc verba jure civili excludant necessitatem
materium consensus requirendi. Sed nec curatorum : Ad officium enim cu-
ratoris administratio pupillæ pertinet, nubere autem suo arbitrio pupilla potest, l.
20. ff. h. t. e) Nor ergo sufficit ratihabitio & conjugium tamdiu pro illegitimo
habendum donec patris consensus accedat adeo quidem ut & liberi ante ratiba-
bitionem nati sint illegitimi nec subsequente matrimonio legitimentur argu-
mento l. eos qui 6. §. 1. ff. h. t. l. 13. § 6. ad l. Iuliam de adulterijs, & per tex-
tum expressum Inst. hic.

I V.

Et hic parentum consensus sic est de jure nostro ne-
cessarius ut non tantum neglecto eo poenæ injustarum
nuptiarum a) patriæ potestatis temeratorem maneat sed
& aliæ jure nostro proditæ. b)

a.) velut ut pro illicito coitu habeatur nec liberi sint legitimi nulla dos nul-
la sit donatio propter nuptias § si adversus ea Inst. h. t. b.) scilicet ut filius
aut filia eam ob causam exhere dari possint si ante 25. etatis annum in scijs par-
tibus nuptias contraxerint, vel si posteam etatem hominibus non liberis se jun-
xerint & turpiter aut luxuriosè vixerint Novell. 115. c. 3. Hænon. disp. 2. th. 11.
Phil. Decius in l. nuptias ff. de R. I. n. 8. quamvis addat id I. Canon. non obti-
nere. idq; sequendum, sed putem separandam causam matrimonij esse quæ spiri-
tualis est in qua causa canones sequimur à causa exheredationis quæ civilis est.
Præter hæc pater filiam dotare non tenetur, quæ dote se reddidit indignam pro-
pter injuriam patri illatam maximam, textus est expressus in §. pen. Inst. h. t.
Hænon. d. disp. 2. th. 12. Non tamen datur licentia patri tale conjugium ob-
tentu patriæ potestatis turbare & petere filiam sibi exhiberi sed persuadendum
patri ne severè patriam potestatem exerceat, l. 1. ff. de liber. exhib. Sult. quod
tamen ita intelligendum si non habeat graves dissensus causas, Si enim graves
causas habeat putem omnino fieri debere ne multa inde absurda sequantur, nec
qui vñ scurr a honesti viri filiam ad se allicit & q. furetur Cothm. cons. 1. n. 198.
& seq.

Hoc

V.

Hoc amplius requiritur ut ei jungatur cum qua matrimonium contrahere non prohibetur a) Prohibitionis autem causæ postissimum sunt quinque; 1. Cognatio b) 2. Adfinitas 3. Delictum 4. Officium seu potestas, & 5. Honestas.

a.) præsupposito tamen hoc ut & ipsa cum qua matrimonium contracturus est, sic matrimonij contrahendi capax, non sic Impubes, non monialis, b.) eaq; tam naturalis siue sit ex licito coitu veluti concubinato, siue ex illicito & improbato (ideoq; ex tali coitu natus patrû consanguineam ducere non potest. Coras. i. miscell. cap. 3. n. 1. & 2. cap. per tuas ext. de probat. nam & adfinitas inde contrahitur quæ possit nuptijs impedimento esse cap. de illo, cap. super eo, & cap. fin. ex. de eo qui cogn. consang. uxor. sua & c.) siue ex servili commixtione nam & serviles cognationes impedimento nuptijs sunt § 10. Inst. h. t. aut legitima tantum, velut quæ per adoptionem contrahitur, quam legitima & naturalis simul. Hæc vero tripliciter in naturalem tantum (quam tamen jura civilia ignorant ut infra dicetur) in legitimam tantum & naturalem & legitimam distincta cognatio in linea quidem recta promiscue impedit nuptias. In linea vero transversali illa & hæc ad quartum gradum æqualem exclusive Ista etiam ad quartum gradum in ijs adoptionibus quæ sunt legitima, id est, quæ adnationis jus habent, quamdiu vinculum adoptionis non solvitur eo vero solute nequaquam l. 12. § 4. hic.

VI.

In cognatione computanda considerandi sunt gradus, a) Gradus vero est de proximo cognato in proximum transitus, quæ libet vero generatio b) facit gradum unum.

a.) gradus autem dicti sunt ad similitudinem scalarum locorumq; proclivium quos ita ingredimur ut à proximo in proximum id est, in eum qui quasi ex illo nascitur transeamus l. 10. § 10 ff. de gradibus VVesenb. in par. ibid. num. 2.

b. Hæc

b.) Hec de I. Civili vera sunt quamvis I. Canonico diversum obtineat. Ibi n. in linea ascendenti & descendenti id obtinet ut qualibet generatio faciat gradum unum sive quod perinde est tot sint gradus quot sunt personæ dempta una, non vero in linea transversali. Ad brutam vero graduum computationem quæ in Iure Canonico est intelligendam duas potissimum D D. Regulas tradunt, quarum prior quæ in linea transversali æquali obtinet ita habet. In linea transversali æquali quoto gradu à communi stipite distant eo gradu inter se distant de quorum cognatione quæritur. Posterior quæ in linea transversali inæquali obtinet sic habet. In linea transversali inæquali quo to gradu remotior à communi stipite distat eo gradu inter se distant de quorum cognatione quæritur. VVesemb. in par. ff. tit. de gradib. n. 10. & 12. Quæ duæ Regulæ ut universum illud computationis Canonice mysterium recludunt, Ita abunde de Iuris Canonici facilitate testantur. Nam ut de priore tantum agam ea statuit me à consobrino meo aut amittino aut patrueli eodem quo ab avo gradu distare, An non hoc vero ridiculum, Medium enim quo nos invicem juncti sumus est avus. Hoc medium vero ab utroq; extremorum æquè late distare ac extrema ipsa inter se distant dicere, quid est nisi communi rationi contradicere?

VII.

Adfinitatis a) quoq; veneratione à quarundam nuptijs abstinentum est.

a.) Adfinitas dicta q unius cognationis ad alterius cognationis fines accessio l. 4. ff. de gradibus § sed quoniam 3. ff. de grad. Et adfinitas Iure Civili, tantum fit ex nuptijs d. l. 4. § 3. & § sciendam 8. ff. de gradibus. Eiusq; nulli sunt gradus d. l. 4. § 5. Utrumq; contrarium obtinet Iure Canonico nam eo & cognatio & adfinitas etiam ex illegitimo matrimonio ex incesto coitu contrahitur per ea quæ dicta sunt l. 1. c. 5. Et gradus sunt adfinitatis Iure Canonico, quos Canoniste sic demonstrant. Primo gradu adfinitatis habentur ii. qui proprie sunt adfines, velut sunt conjunx & alterius conjugis cognati. Sic vitricus privigno vel privignæ ad finis est primo gradu, Alter gradus est veluti inter vitricum & privigni uxorem vel privignæ maritum, Tertius gradus est veluti inter vitricum & privigni prædefuncti uxoris maritum secundum. Nempe primo junctus privignus, secundo privigni uxor, tertio privigni uxoris maritus secundus, Adde

Adde etiam quartam mariti hujus secundi uxorem secundam, & quintam, uxor is hujus secunda maritam secundam &c. Persona adjuncta per carnis copulam sanguinei alterius inducit primum genus adfinitatis persona: v. addita primo generi inducit secundum genus, & persona addita secundo inducit tertium, Panorm. in cap. non debet ex. de consang. & ad fin. n. 6. b.) quæ tamen se non extendit ulterius quam ad primum adfinitatis gradum in primo enim tantum adfinitatis gradu nuptiæ prohibentur c. non debet ex. de cons. & ad fin. quæ tamen Regula duas limitationes recipit, Primo enim non omnes qui primo gradu sunt adfines prohibentur, Quid enim? cognatus mihi est quinto gradu. Is meæ uxori primo gradu ad finem est, & tamen me defuncto eam ducere potest. 2. Obtinet hæc in collateralibus non in ascendentibus nam in ascendentibus etiam ultra primum gradum prohibita sunt etiam iure Civili l. 15. ff. h. r.

VIII.

Ob delictum quoque à nuptiis quarundam abstinendum est, veluti eam quam rapui uxorem habere non a) possum iure b) Civili, quemadmodum nec eam cum qua adulterium commisi. c.)

a.) Nam rapta non potest maritum sibi exposcere raptorem imo nec potest inter eos constare matrimonium etiam volentibus parentibus. l. unic. §. 1. vers. nec sit facultas. C. de raptu virg. Et cum Raptoris bona omnia tam mobilia quam immobilia ad personam raptam pertineant si sit ingenua, si raptori nuba omnia hæc amittit & applicantur hæc bona parentibus si nuptiis hæc contradixerint, hi si defuncti sint fisco. Quin & ipsi parentes deportationis poenam subeunt si in tale matrimonium consentiant. Novell. const. 143. b.) Iure enim Pontificio si rapta sit parentibus restituta & poenitentia à raptore peracta matrimonium procedit c. fin. ext. de Rapt. & can. pen. 36. quest. 2. c.) cap. 12. Novell. 134. Iure tamen Pontificio potest nisi alter eorum in mortem prædefuncti conjugis fuerit machinatus vel illo vivente alteri fidem dederit de matrimonio contrahendo priorè conjugè defuncto c. 3. & cap. 6. ext. de eo qui dux. in mar. quam poll. per adult. Et si machinatus alteruter quid in mortem conjugis fuerit, etsi cum adultero jam contractum sit matrimonium id dissolvitur atque ita accipit Panormitanus verba ultima cap. 3. & hæc prohibitio perpetuo est

B

tuo est

ratio est servanda. An vero sola machinatio sufficiat, an vero machinatio cum effectu, questionis est. Putem cum effectu accipi debere, gloss. in verbo machinatio d. c. ext. de eo qui dux. Diss. Panor. d. cap. 3. n. 4. qui putat solam machinationem sufficere. Quod si vivente prima alteri fidem dederit ei, consueveritque ignorabat eum maritum esse & coelibem putabat post defuncta priore eam copularit sibi, etiam volente adultero à secunda secedere non dabitur ei licentia cap. 1. ex. d. 1. quod si scierit quidem & dederit tantum fidem non tamen eam polluerit sustinetur matrimonium cap. ult. ext. eodem.

I X.

Officium quoque seu potestas veluti si quis Magistratus a) si tutor b) si curator sit nuptias impedit, Hæc tamen prohibitiones hodie non c) observantur.

a.) qui enim Magistratum in aliqua provincia administrat inde oriundam vel ibi domicilium habentem uxorem ducere non potest, quamvis sponsare non prohibeatur, ita scilicet ut si post officium depositum noluerit mulier nuptias contrahere, liceat ei hoc facere arbitrari tantummodo redditu quas acceptat l. 38. in. pr. Etsi contra mandatum contractum sit matrimonium, tamen post depositum officium mulier in eadem voluntate perseveret nuptie pro justis & ideo liberi postea nati ex justo matrimonio legitimi habentur l. 65. §. 1. ff. h. r. Potest tamen in ea provincia filias suas in matrimonium collocare & dotem constituere d. l. 38. §. fin. Veram quia eadem ubique ratio, id prohibitum est & correctum l. un. C. si rector provinc. spons. deder. & Novell. Leonis 23. & in tantum ut nec domestici ejus, propinqui aut consiliarii id possint d. l. un. C. si rector provinc. nec filie etiam d. Novell. Leon. 23. Ratio additur in d. l. unico quod possit esse vel videri mulieri ejusve parentibus tutoribus curatoribusve terribilis. Atque hinc videre est matrimonia metu contracta non aliter esse firma quam si postmodum vitio metus sublato liberrime iterum in illud consentiant. Quis vero metus sufficit? Certe ad impetrandam restitutionem in integrum non alius sufficit quam qui etiam in constantissimum quemque caderet l. 5. & 6. ff. quod metus causa. Neque enim solius potentie dignitatisve timor suffecerit l. ad invidiam §. C. de his que vi metusve causa. Hic vero etiam metus solius potentie sufficit. b.) tutor enim & curator non potest pupillam

iam vel adultam in uxorem ducere quin nec tutoris curatorisve filius sro e etiam
 is naturalis tantum aliq; in adoptionem datus l. 60. § 7. nec adoptivus adoptio-
 ne constans l. 60. § 6. nec tutoris curatorisve liberius l. 37. b. 2. nec heres licet
 extraneus lib. 64. § 1. h. r. quin si arbitrium elocandi filiam matri concesserit
 non potest mater tutorem eligere maritum l. 62. ff. h. r. quod si tutor sit liber-
 tor & vel ipse vel filius ipsius ducat relegatur l. 64. ff. h. r. Potest tamen tu-
 tor & curator uxorem eam ducere post 26. annum quod si intra 26. annum du-
 cat potest adulterij accusari l. 7. ad l. Iul. de adulte. idq; in tantum verum est ut
 licet rationes administrationis sua reddiderit tutor non possit tamen ante consti-
 tutum etatis tempus eam ducere, etiamsi ex alio matrimonio iam facta mater
 sit l. 62. § 2. quod constitutum etatis tempus nempe 26. annorum nunc exten-
 ditur de jure Iustiniano ad 29. annum argumento l. 6. C. de interd. matrim.
 int. tut. &c. Atq; hæc certa sunt in tutore curatore & utriusq; filio. In
 filia autem variat, nam & tutoris filia pupillo l. 64. § ult. Et curatoris filia
 adulto jungi potest l. 5. C. de interd. matrim. Ratio differentia hæc est quod
 adultus sine ullo metu ratione rei sua ab uxore sua ejusq; heredibus exigere potest
 quod non obtinet in adulta. In quam non modo ob sexus debilitatem facile qui-
 vus metus cadere potest, sed & metus reverentialis erga maritum cadere debet
 quo certe rationes à marito exigere prohibetur. Sunt tamen quatuor casus
 quibus etiam filius vel nepos pupillæ jungi potest 1. est si desponsata à patre sit
 2. si testamento destinata l. 36. ff. h. r. l. 6. C. de interd. matr. 3. si avus
 tutor nepus ex filio emancipato nata sit & nepoti suo ex alio filio jungat l. 67.
 § 1. & 4. si divinum impetretur beneficium, l. 7. C. de interd. matrimo.
 int. tut. c. Panor. in c. fin. n. 2. de sec. nupt. Ang § sunt & alia h. r. rationem
 addit Panor. d. l. quod in spiritualibus sequamur jus Canonicum eo autem nus-
 quam prohibitum reperiat.

X.

Quinto etiam honestatis publicæ causa à nuptijs ab-
 stinendum est ut 1. pater abstineat à nuptijs adoptivæ
 filia emancipatæ, 2. ut abstineam à nuptijs filia ex uxo-
 re mea post divortium ex alio natæ, 3. ut sponsæ filij vel
 patris non jungar, 4. Ut non habeam in matrimonio
 quam

quam de sacro fonte suscepi, §. Ut senatoris filia abstineat à nuptijs libertini & 3. Ut abstineam ab earum nuptijs quæ non quidem civiliter mihi sanguine junctæ sive cognatæ sunt sed tantum naturaliter.

a) § 1. Inst. h. t. l. 14. in pr. ff. h. t. b) § 9. Inst. h. t. l. 12. § 3. c) d) § 9. Inst. h. t. l. si qua mihi 12. ff. § 1. & 2. ff. eod. d. cum nihil aliud sic inducere possit paternam affectionem quam hujusmodi nexus per quem Deo mediante animæ eorum copulatæ sunt ut ait Iustinianus in l. si quis alumnam 26. C. h. t. c. de eo 30. q. 1. & contrahitur spiritalis cognatio nedum inter baptizatum & illum qui eum suscepit de baptismo ac inter eundem baptizatum & suscipientis filios & uxorem ante susceptionem carnaliter cognitam eb eodem, sed etiam inter suscipientem patremq; baptizati & matrem, quæ cognatio & contrahendum matrimonium impedit & dirimit post contractum d. c. de eo, & c. ad l. minima 30. q. 1. & cap. 1. & cap. ult. ex. de cognat. spirit. in sexto e. l. lege Pappia 23. l. 27. ff. h. t. l. 28, C. eod. l. 7. C. de incest. nupt. idq; in tantum obtinet ut si duxerit libertinam senator ea non sit uxor nec prius uxoris loco habeatur quam amiserit dignitatem l. 37. ff. h. t. quod tamen non insilijs filiabusq; obtinet scil: ut patre se natu moro nuptia illorum conualescant l. 34. § 4. h. t. Et licet libertina adoptetur ab ingenuo nihilominus repellitur à senatorijs nuptijs l. 32 ff. h. t. Et non tantum vult dCtum ut Senator sed & ut ejus filia filius nepos neptisve ex filio pronepos proneptisve ex nepote ex filio nato natus à nuptijs non tantum libertini sed & ejus qui quæve cujusve mater paterve artem ludicram facit feceritve, avum tamen fecisse non obstat l. 44. in pr. & § 1. & 2. quod si tamen senatoris filia corpore quæstum fecerit vel artem ludicram exercuerit potest liberti nuptias sequi l. 47. ff. h. t. Hæ vero leges per Novell. 78. c. 3. sublatae sunt ut liceat nunc & sublata l. Pappia senatori libertinam ducere. Glossa in d. Novell. 78. c. 3. Auth. sed novo C. h. t. Ubi addit rationem hanc quod dederit Imperator libertinis jus ingenuitatis, quemadmodum ergo licet jungi ingenuis ita & libertinis, eos enim nunc fecit ingenuos Cujac. d. l. & lib. 4. obser. c. 5. f.) Notum enim est iure civili nullam contrahi vel affinitatem nisi ex legitimis nuptijs l. 4. § 3. & § sciendum 8. ff. de gradib. At quin. nuptias tamen etiam ob illicitum coitum prohiberi arguit l. 4. C. h. t. Itaq; necesse est (quod & ipsa lex in verbis minus religiosam & probabilem rem facere innuit) hone-

statu contemplatione eas prohiberi. Coras. r. miscell. quest. c. 3. Atq; ut uni-
versam hanc prohibitionum materiam paucis comprehendamus.

*Ætas conditio numerus monachatus & ordo.
Optio nobilitas sanguis tutela potestas
Fons sacer adfinitas raptus repugnat honestas,
Irrita quæ faciunt connubia legibus hæc sunt,*
glos. in § ph. sunt & alia u. Inst. b. r.

X I.

Si quis vero his prohibitionibus suisq; deq; a) habi-
tis contra dictas Regulas matrimonium contrahat in pœ-
nas inutilum nuptiarum incurrit.

a.) id est si scienter impingat aut ex ignorantia iuris l. pen. & tot. tit. de
Ignor. iur. & fact. paria enim sunt scire & scire debere l. quod rei. ff. si centum per.
quamquam pœnam error iuris mitiget l. 38. § 1. ff. de adult. & cap. 1. Nov. 12.
ibi si legem scierit & c. ignorantia autem facti excusationem quoad legitimatio-
nem liberorum habet, cap. ex tenore ex. qui filij sint legit. b.) ea sunt
1. ut nec vir nec uxor nec nuptia nec matrimonium esse intelligatur § si adver-
sus. Inst. hic, quod enim contra leges fit id non solum effectu caret sed etiam
nomen non meretur l. ult. C. de sentent. ex peric. recit. 2. Nec dos nec do-
natio propter nuptias consistat, d. § si adversus, & l. 4. C. de incest. 3. Liberi
ex huiusmodi coitu suscepti non sunt legitimi nec in potestate patrû. In patris
enim potestate demum sunt liberi qui ut Imperator ait ex iustis nuptiis, vel quod
ait Wesenbecius opinione saltem iustis procreati sunt. Et cum legitime nuptiæ
factæ sunt patrem liberi sequuntur l. 19. ff. de statu hominum, 4. Liberi ex
huiusmodi coitu suscepti non solum non succedunt patri sed nequidem alendi
sunt iure civili Nov. 89. c. ult. quamvis iure Canonico eis alimenta debeantur
c. 5. ex. de eo qui dux. in matrim. quam poll. 5. Filij legitimi qui sunt
liberantur à potestate patria Nov. 12. c. 2. 6. Contrahentes fiunt infames d.
Nov. 12. c. 1. 7. Bona confiscantur nisi sint filij legitimi quibus applicantur ea
lege ut patrem alant. Nam licet legum contemptor & impius sit, tamen pater
est, d. Nove. l. 2. c. 1. & 2. 8. Exilium irrogatur & 9. Verberatio accedit si vilis
sit

se persona d. Nov. 12. c. 2. Cessant tamen hæc pœna si errore acerrimo non affe-
tato insimulatore neq; ex vili causa decepti sint aut ætatis lubrico lapsi quos ta-
men ita demum legum laqueis eximi placuit si aut errore comperto aut ubi ad
legitimos annos pervenerint conjunctionem hujusmodi sine ulla procrastinatione
diremerint l. 4. C. de Incestu nupt. Et deniq; Pœna quarta & sequentes ex
communi opinione quam hoc loco Pacius citat h̄s demum infliguntur qui nuptias
Incestas lurigentium & divino contrarias non qui iure statuario & positivo
illicitas contrahunt, facit cap. 1. Novell. 12. qui illicitas & contrarias nature,
Et tantum de matrimonio quod bene contractum non nisi morte & divortio, eoz;
ob sobam adulterij causam facto, expulso gonili illo & barbaro ob leviusculam
causam divertendi more, dissolvitur.

COROLLARIA.

I.

An, si ab alio compressam ignorans mihi despon-
sarem postmodum id compererim, matrimonium sit dis-
solvendum. A.

II.

Pacta quæ infantia tollunt obligationem, ut ne qui-
dem opponi sit opus sed iudex supplet etsi non oppo-
nantur.

III.

Pacta etiam in continenti adjecta stricti juris iudicij
non insunt nisi saltem ex parte rei.

IV.

Adulter in adulterio deprehensus datam pecu-
niam repetere potest.

V.

Créditor pecuniam debitam per vim exigens crediti
jus amittit.

ALBER-



ALBERTE, claro qui patri es cognominis,
Mei favoris ergò, faultiq; ominis
Carmen rogas. sed æstuante sirio

Vena omnis ac omnis lepos exaruit.
Quid? ne nihil feras, iambs hos malos,
Bono ast ab affectu profectos, accipe.

Dum nuptias pater secundas cogitat,
(Jovæ suprema quas secudent numina.)
De nuptiarum jure natus disputat,
Objectionum sustinens examina.

Quæ nuptiarum tanta cura? filius
Fecisse quod rectè parentem conspicit,
Ut ritè quondam moliat, dispicit.

ALBERTUS ALBERTI premit vestigia,
Spes est, fore ut teneat honorum culmina
Tandem, quæ avi patrisq; scandit gloria.
Huc tendat, hinc sudet, monebo sedulo, &
Hanc mentem ei dum grator, hanc sortem precor.

Johannes Tarnovius.

S. S. Th. Doct. & Prof.



Handwritten text at the top of the page, likely a title or header, which is mostly illegible due to fading.

Main body of handwritten text, consisting of several lines of script. The text is significantly faded and difficult to decipher, but appears to be a formal or academic document.

Handwritten text at the bottom of the main body, possibly a signature or a concluding line.



ALBERTE, claro qui pat
Mei favoris ergo, fauisti
Carmen rogas. sed æstuante
Vena omnis ac omnis lepos
Quid? ne nihil feras, iambo
Bono aut ab affectu profect
Dum nuptias pater fec
(Jovæ suprema quas secunde
De nuptiarum jure natus dis
Objectionum sustinens exan
Quæ nuptiarum tanta
Fecisse quod rectè parentem
Ut ritè quondam molliatur,
ALBERTUS ALBERTI pr
Spes est, fore ut teneat hon
Tandem, quæ avi patrisq; so
Huc tendat, hîc fudet, mon
Hanc mentem ei dum grato

Jo

minis,

s,

at,

)


na

&

em precor.

Tarnovius.

. Doct. & Prof.



the scale towards document